



partii naleraq

Nuuk 4. oktober 2018
Pele Broberg Partii Naleraq

Uunga siunnersuut: Qamutit motorillit akileraarutaat pillugit Inatsisartut inatsisaata Allanngortinneqarneranik Inatsisartut inatsisaat nr. xx, xx. xxx 2018-imeersoq

Uunga siunnersuut: Eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat
(Aningaasaqarnermut Naalakkersuisoq)

Siullermeenera

Partii Naleraq illuatungiliuuttut inisseqqagalarluni siunnersuummut tapersiilluni oqaasertalerusupaa.

Oqaluttuassartaa

UKA 2009-mi immikkoortoq 23, Demokraatit sinnerlugit Niels Thomsen siunnersuutaa ukiuni arlaqartuni Inatsisartut aaliangiiffigiومانagu, kingullermik UKA 2017-imi ukiumik ataatsimik sivitsorneqarsimavoq.

Tunngavilersuutit paasinarluinnartut 2009-mi saqqummiussat ilarpassui suli atuupput. Illoqarfiit erngup nukinganic innaallagissiorfillit arlaqarput.

Naak siunnersuummi qamutit motorillit uulia tunngavigalugu atuinngitsut kisimik pineqaraluartut, aamma qamutit motorillit uulia tunngavigalugu atuisut ilanngunneqarsimapput.

Ullumikkut

Akitsuutit ilaatigut aqquserniornernut atorneqartarput, ullumikkullu qamutit pineqartut quliugaangata arfineq pingasut sinnerlugit Nuummi angalallutik.

Akitsuuteqanngitsumik ingerlaarneq landskarsimut 50 million koruunit sinnerlugit akeqassasoq naatsorsuutaavoq, pisisullu amerlanerit akunnattumik isertitaqartuullutik imaluunniit isertitakkaajullutik.

Danmarkimi maanna akitsuutit eqqunneqarnerat ingerlanneqarpoq, taamaasillutalu nunat avatagiisigut ilaarlugit piffissanngorluni aaliangingassaq nuanninngitsoq isummerfigissallugu. Ullumikkut El-bilit kajuminnanngillanngooq, ineriartorneq suli uuliamiimmat.

Taamaammat eqqussinermut akitsuuteqannginnissaq suli orniginarsarnissaa pisariaqarsinnaavoq el-bilinut.

Kisianni biileqarneq inuttut pisinnaatitaaffiunngilaq. Akissaqartunuku qinersinnaasaat, taamaammat ukiumoortumut akitsuut (vægtafgtift) atuutilernissaa pissusissamisoortut Partii Naleqqap nalilerpaa.

Ineriartorneq

Nunarput sukkasuumik ineriartorpoq, naak mittarfissuaq angineq ataasiinnaasoq.

Maannalu partii naleraq piffissanngorsorivaa 4-hjulerinut snescooterinullu akitsuutaarunnissaannut.

Inuit ilaasa sukisaarsaarutitut atortaraluaraat aamma inuppassuaqarpoq sulinerminnut ulluinnarsiutitullu angallannermut atuisartut.

Naak qimusseq kalaallit kulturianniittuaannarnissaa kissaatigineqartoq, nunarsuarmioqataanata ineriartorneq qiviannngitsuusaarsinnaanngilarput.

Aalisarnermut, takornarialerinermit, eqqagassalerinermit assigiinngitsorpassuarnullu atorneqartarput.

Sinerissamiittut iluaqusilaarallartigit, mittarfissuunngikkaluartoq.